

同安縣志卷之二十六

藝術

韓昌黎云占小善者率以錄名一藝者無不揚故小道可觀醫有巫咸倉公卜有郭璞君平皆能通神入妙至於琴弈書畫相法劍術神乎技者人以藝傳矣邑雖蕞爾亦有藝術之輩茲擇其尤者紀於編以見有善必揚云爾志藝術

藝術

李無惑

李良欽

同安縣志

卷之二十六 藝術

林仁

莊漁

施瑚璉

黃景禮

張伯虎

劉運佳

明

李無惑善小篆為翰林待詔蓋斯公陽冰之後未見其比其勁健端好又過於陽冰士大夫家藏之以為寶

李良欽積善里山邊人少任俠結客得異人授棍法神明變化縱橫莫當愈大猷曾受學棍法嘉靖間

同大猷戚繼光掃平倭寇制勝多出其謀大猷上其功於朝辭不就歸臥林泉壽九十餘卒

國朝

林仁嘉禾里湖邊人徙居城北之岡頭鄉素好琴得莊蝶庵指法節奏古雅爲人清介雖貧不于於世提督施世驃建節廈門延教其子

莊漁字友樵初習醫後學山水翎毛畫俱人妙人以沈石田目之第性傲兀曾有持三百餘金求畫者漁勿受亦勿畫邑宰周世培代爲句之其人始得

同安縣志

卷之二十六 藝術

二

十二幅而去晚年嘗窺萬石巖與山僧嘯咏有隱士風

施瑚璉字文璉同禾人精麻衣法言休咎輒驗常渡指一舟子曰此兒不逾臘矣此返臘且終無恙舟子責其誣施曰待爾飲屠蘇酒不死然後言越日其人竟溺於海中又有司馬沙某旣罷官施於旅邸見之曰公三年後當位方伯已而果然召置幕下使時觀氣色忽一日凌晨謂沙公三日內應有猶子之喪未幾果得凶訃其言屢中有如此

黃景禮鄉賓排前八精醫學爲人療病貧苦與藥子
侯觀國學生曲體父志聞有奇方竭力誠求合藥
以濟人遠近德之孫天榜邑增生聯榜邑庠生
張伯虎翔風里青巖人以善畫名
劉運佳在坊里東橋人善書畫其篆印尤精

仙釋

浮屠之教與吾儒異同邑理學名區士君子以
正學爲宗而聞聲緣覺儒者弗尚然山中白石
叱可成羊殿前飛鳧網而得鳥是可知修真煉

同安縣志

卷之二十六 仙釋

仙釋

棲霞

吳本

法周

無着

虛極

陳以文

文翠

印空

陳仙翁

笑堂

吳容

無疑

宗標

曉誠

如壽

明光

雪芝

智堅

石盎

五代

棲霞禪師居開元寺以道自高州牧王繼勳將爲廣居儲糧辭不受嘗有客來止庵中顧其寒色滿屋解囊金施之霞置諸牀下客去七年復至將更施霞笑曰前惠尚存出視塵封厚矣客乃嘆曰如此道人誰能垢之俛取舊金而去

同安縣志

卷之二十六 仙釋

四

吳本生太平興國四年不茹葷不受室業醫濟人無貴賤按病受藥如矢破的或吸氣嚙水以飲雖奇疾沈疴立愈景祐年間卒知者肖像供奉屬虔賊猖獗居民詣像請命未幾賊酋喪死人獲寧居乃創祠祀之水旱疾疫款謁如響部使以廟額請賜名慈濟慶元中封忠顯侯開禧三年元陽爲沴赤地于里獨漳泉來禱歲以大熟鄰郡草竊跳梁境界上忽覩旗幟之異遂洵懼卻走邑人以聞加封英惠侯繇是東逮莆陽長樂建劍西被丁朝以至

二廣舉知尊事後累封普祐眞君明永樂十七年
文皇后患乳百藥不效一夕夢道人牽紅絲纏乳
上灸之頓瘥問其居止對以其所明遺物色之云
有道人自言福建泉州白礁人姓吳名本昨出試
藥今報后后大驚異奏請勅封恩主昊天醫靈妙
惠眞君萬壽無極保生大帝詳見壇廟

宋

法周字覺元王姓八歲出家往開元寺授楞嚴千餘
言凡三應詔對咸稱旨賜章服號慧大師咸平中

同安縣志

卷之二十六

仙釋

五

郡守宿翰至寺訪之行殿墀見其下數莖草指問
云舊爲紫雲蓋地凡草不生因甚今卻有此周應
聲曰地因培客土凡草有時生翰深嘆服天聖元
年趺坐而化茶毗時得舍利

無着丞相蘇頌女居平江府資壽寺年三十許厭世
浮囂脫去緣飾咨參諸老已入正信號妙聰禪師
虛極居崑山庵有道行徽宗賜號金壇師

陳以文字文中清修學道居天慶觀三十餘年守儉
文節公雅敬之慶元間賜號守素冲虛大師

文翠居嘉禾嶼嘗斷腕燃頂募建普照寺尉睽翔贈
以詩曰海翻波浪遶危峯無盡巖前世界空不呈
灰心求佛者片時艱住寂寥中

元

印空自講一堂名水月辟穀十餘年日食棗栗松實
後坐化遺軀猶存

明

笑堂住太武巖有二徒之京送以詩云客路逢秋意
慘悽吳歌楚些聽如逃海天一色鴈雙去山月半

同安縣志

卷之二十六

仙釋

六

規猿自啼心動故園頻入夢詩逢好景易成題孤
霞落鷺西風外更向何山去託棲其二徒皆有詩

名

吳容少遊吳削髮歸僧因習岐黃術還溫陵遂以方
藥濟世生平廉恕不苟取李光縉為作傳

國朝

陳仙翁陽翟人邑諸生名世胄字允寬有異人來往
其齋三年授以占驗術談人休咎無不奇中途棄
舉子業後忽秋試人疑其入彀陳嘆曰不堪言也

是秋父死闔中持喪歸人益異之順治戊子在嘉禾里數云同安血流溝安平成平埔嘉禾斷人種泥鯁死半途回至沙溪而歿葬北門外御車巷未幾同安城陷綽號泥鯁以多鬚又稱髯鬚仙

無疑戒行端嚴順治戊子屠城枕尸塞路率其徒達因等七人親爲拾尸昇往郊坵化以火仍掘地十餘丈瘞之而標其墓曰同歸所漳州被圍死者數萬解圍時無疑又偕諸徒往收瘞焉終於長興甘露寺

同安縣志

卷之二十六

仙釋

七

宗標字良準號觀幻林氏子生而不凡有長眉僧見而器之幼卽厭葷年十七入開元寺爲僧往福清黃檗寺受戒於廣超禪師授以拂未幾廣超寂化宗標爲建塔治喪歸隱木寺之清居察究明宗乘三十餘年學者畢集康熙戊子福清紳士請繼檗山祖席期滿告歸辛丑說法雲齋閣甲辰福清當道洎諸檀裔再請到檗山道望益隆辛亥泉紳士請歸本寺戒壇開戒時年已八旬後三年入寂著有諸錄八卷爲佛門所宗春坊林之濬爲之序

端平巖僧曉誠獨居巖中數十載戒行他異他僧唐
孝本宰邑時適六月大旱誠跌坐炎蒸中水漿不
入口者數日與約某時不雨願焚身至期果大雨
如注後凡遇旱輒命誠禱之無不應

如壽博通內典善摹趙文敏書法行楷皆秀麗絕倫
詩亦有致

明光能詩尤工於草書法祝枝山時出入於二王之
閒奉母甚孝住泉城之開元寺準提閣

雪芝工草書尤精於畫蘭淡濃疎密曲蓋其妙名播
同安縣志

卷之二十六

仙釋

八

遠近後往武夷山

知堅住大平巖預知死期置酒別所如交共七人命
寺僧設八人坐次其弟子曰何用過多堅曰卽有
至者方欲就席果復有一人至酒數行起曰予欲
拜佛西歸矣人皆笑之有尾其後者見其甫及禪
牀已圓寂眾始信之

石盜不知何許人有仙術石溪黃某幼病瘖乾隆二
年年十七偶鋤於田或過而詢曰汝病瘖乎吾稔
能醫者引汝醫黃首肯卽輟鋤楷之行初過幾

村落後遂越澗度嶺茫然莫辨其所向約行十里許至山巔見茆屋數椽引者曰此醫啞先生廬也黃入門見一老叟危坐鬚眉俱白兩眉長過項驚異而拜叟曰爾欲醫乎曰瞽矣且飯少頃命侍具六饌不嘗者不識卽嘗者亦不能識也飯畢叟手持藥似竹葉者三投茶銚中烹之令飲飲訖卽能言黃詢曰此何地也叟曰此十八面山也相傳文圍周環視之山各有面面凡一十有八故以十八面山稱之又詢姓及名叟具告之且曰爾欲酬我須十日內遲則無及矣引者仍引之歸時夜深月黑兩足如風輪疾捲頃刻抵家而引者忽不見黃抵家大呼啓門家人驚因詳述其故達旦鄉里皆異之曰此仙者也當亟訪之攜酒醴香鈔從數十人往文圃覓益益已不知所在

寓賢

環閭皆海也同邑爲山海與區峰巒秀美巨浸靈長况爲泉漳孔道高人奇士足跡所履寄寓茲土或歲久爲家或飄泊化道其言如檄類

皆凋儻不凡均可為此邦所興懷豈必生同地
居同鄉始足流連而不置也哉志寓賢

寓賢

林同

沈宸荃

徐孚遠

陳士京

姚翼明

陳泰

朱術桂

曾櫻

王忠孝

鄭郊

沈佺期

辜朝薦

同安縣志

卷之二十六

寓賢

十

沈光文

明

林同字于野福州人博學力行安貧樂道居家教授

學者宗之洪武中寓居同安龍田鄉戶部李文郁

奉以為師率其徒受學力薦於朝授同安訓導至

官甫二日卒葬於本鄉後石墓岡前時人惜之所

著有銅魚集

閩大記載銅魚集為晉江林龍
峯所著按龍峯與于野同名誤

沈宸荃慈谿人崇禎十三年進士授行人魯王監國

從王泛海寓居廈門金門後艤舟南日山遭風沒

於海

徐孚遠字間公華亭人崇禎間舉於鄉與同郡陳大樽夏彝仲齊名南都破遁入海居廈門曾厝安最久垂老更適臺灣挈家佃於新港躬耕歿世

陳士京字齊木浙江人明進士官給事中隨魯王泛海入閩寓同安之鼓浪嶼卒著有來詩復書

姚翼明字興公浙江人隨魯王泛海入閩授兵科給事寓廈門東嶽廟歸平陽卒著有南行草

陳泰字降人銅陵人鎮海衛諸生每試輒冠其曹寓同安縣志

卷之二十六 寓賢

十一

居鷺江閣部曾櫻試儲賢館援置第二人及島破曾死難泰匍匐負骸走三十里付其家人登舟以殯歸不食三日卒其甥葬之江上

朱術桂字天球號一元子明寧靖王南都破挈其妃寓廈島葛衣幅巾如未嘗有爵祿者善書畫有求輒與後移寓臺灣癸亥鄭氏歸誠王與其妃皆自經作絕命詞有宗姓有香畱史冊夜臺無愧見君親之句

曾櫻字仲含號二雲臨江人萬歷丙辰進士居官廉

潔似海忠介歷任至工部侍郎乙酉入閩辛卯徒家鷺島城將陷家人請登舟公曰此一塊清淨地正吾死所豈復泛海求活耶遂自經

王忠孝字愧兩惠安人崇禎戊辰科進士累官兵部右侍郎明季倡義起兵後渡海倭鄭氏居會厝安十三年復從往東寧崎嶇冒險矢志不移嘗自謂自信此生罔敢失節

鄭郊字牧仲莆田人明貢士值明季閩變避難入廈門清介博雅出入祇方巾布衣與里人鄭慕生義

同安縣志

卷之二十六 寓賢

十三

門王肖槐交最善弟郊字奚仲亦負氣節

沈佺期字復齋南安人晉江籍崇禎癸未進士授吏部郎中我朝兵入閩佺期遯跡廈門旋往臺灣閉戶謝客累徵不起

國朝

辜朝薦字在公潮州人明進士授江南南安慶推官歷掌科垣晉卿寺與郭之奇羅萬傑黃奇遇號爲四俊棲廈門後移寓臺灣卒

沈光文字文開鄞縣人自肇慶從海道寓金門閩總

叔員李率泰致書幣邀之不就後隱臺灣所著七集
詩賦甚多

同安縣志

卷之二十六 寓賢

十三

